

■ COLUMNA

Davart gnocs

DA BENI VIGNE

L'auto di a mia piazza da lavur – ina bella piazza interrumpantscha – s'era curt erutta ina discussiun davart il gnocheragnar, il pled rumantsch da quest onn, in neologissem evident. Il collega ladin s'eschoffava, cun ina tempra sapientivamain teatralica, schend che quai sappia propi be esser in'invaziun da leusi, ed el smanava il chau en direziun da la Surselva. In pled nunpusaivel damai. Magari schizunt rumantsch grischun. El ch'appartegna a la generaziun pli giuvna, ina generaziun che propaghescha da sia vart plets neoromantschs moderns sco hängar jo. Gea bain, sia mamma haja la disa da numnar ses bab in gnoc, conceda l'eschoffà, e subit cloman las collegas sursilvanas unisono: «Vesas, uschè dasperas n'è il pled oramai betg.» E la discussiun cuntinuescha cun la dumonda tge ch'il pled pudess insumma muntar, e las propostas van da «schmusen» sur «zärtlich berühren» enfin tar «kuscheln» – quai ch'il pledari grond ha er gia notà en sia premura.



Ed a mai vegn endament ech'il pled kuscheln vegn abusà recentamain da varts neoconservativas per denigrar tut quai ch'ha umanisà la convivenza, sin il champ da la giustia u da la pedagogia, insumma, per circumscriver quella nauscha epidemia ch'ils «köpeliens» da quest mund numnan cun disgust «gutmenschentum». Na, betg sut quella ensaina pegiurativa è il gnocheragnar naschè, quai sun jau franc. Memia fermes èn qua ils trantertuns dad ina charezza cordiala, dad in charsinar bufatg, u simplamain l'odur d'ursins ubain auters animalets da stoffa. Affectuosa para la connotaziun dal gnoc – er sche la noziun deriva da la cuschina. «Gnocs cun cua e tretels en latg» scheva mia mamma dal reminent,

sch'ins la seccava cun la dumonda, tge ch'i dettia da tschaina. Probabel deriva il pled dal verb dialectal talian magnar. Magnar, magnocco, gnocchi, gnocs. Magnoc è il num da mes giat grisch pailus. In ch'ins ha quasi «zum fressen gern».

Bain bain, gnocheragnar è propi il pled da la stagiun. E quai betg mo pervia dal tun, mabain er pervia da ses cuntegn: En quests dis fraids gavisch'ins pelvaira inquala bella gnocheragnada. E che quella cuzzia speranza lunsch en per il 2011. Magari er cun connotaziuns main decentas, main innocentas. Jau sai, erotica è in champ anc bler pli minà ch'il «gutmenschentum», en quests dis iper-corrects, surtut sch'ella gartegia en vischinanzas dals animalets da stoffa. Ma gist perquai vi jau serrar cun in bel haiku ambig, sgulà natiers en occasiun:

Gnocheragnar il gnoc u'l tuschander – dongiuan, tge marusaglia!

Il tuschander, quest vegl amant luxurios, meritass magari er ina bella columna. In'otra giada forsa. Ed en mintga cas ina registraziun en il pledari grond...